

## Dogri News Bulletin, 28 April. 2026

इवनिंग डोगरी न्यूज़ बुलेटिन

समे .18:15 Hrs

<><><><><><>

### Headlines

1. केंद्री मंत्री शिवराज सिंह चौहान होरें अज्ज श्रीनगर च .. दे दुए गेड़ तैहत 3,550 करोड़ रुपें दियां शिड़क परियोजनाएं गी रम्भ करोआया।
2. उपराज्यपाल होरें स्कास्ट जम्मू च सतत ते लचीले जलवायु सरबंधी ढांचे पर लग्गे दे राश्ट्री सतह दे शिखर सम्मेलन च हिस्सा लैता। पर्यावरण बदलाव दियें चुनौतियें कन्नै निब्बड़ने आस्तै नीति उपाएं पर लौ पाई।
3. सरहद्दी इलाकें दे विकास लेई वाइब्रेंट विलेज प्रोग्राम-2 दी दिक्ख-रिक्ख आस्तै 70 सीनियर अफसरें गी नियुक्त कीता गेआ ऐ।
4. आप पार्टी दे एमएलए मेहराज मलिक कठुआ जेल थमां रिहा, जेएण्डके होई कोर्ट नै उंदी पीएसए हिरासत रद्द कीती, मेहराज होरें आखेआ जे ओहू लोकें लेई लड़दे रौहडन।
5. जम्मू खित्ते च हल्की बूदा-बांदी कन्नै बदलें दे घनोए दे रौहने करी लोकें गर्मी थमां दना'क राहत मसूस कीती। अज्ज ते कल हल्की बरखा पौने दी पेशगोई।

<><><><><><>

### Shivraj-PMGSY

केंद्री राईबाई ते करसान कल्याण मैहकमे दे मंत्री शिवराज सिंह चौहान होरें अज्ज श्रीनगर दे शेर-ए-कश्मीर कन्वेंशन सेंटर च इक खास प्रोग्राम दरान प्रधानमंत्री ग्रामीण सड़क योजना PMGSY-4 दे दुए गेड़ तैहत 3 ज्हार 550 करोड़ रुपें दियां शिड़क परियोजनाएं गी रम्भ कीता। इस मौके प्रदेश दे मुख्मन्त्री उमर अब्दुल्ला होर बी

मजूद हे। काजकुरम दरान बोलदे होई केंद्री मंत्री होरें आखेआ जे जम्मू-कश्मीर दे ग्राएं-मोहडें च सडके दा तगडा नेटवर्क न शडा संपर्क बदाग सगुआं विकास, कम्म-रोजगार ते लोके दी भलाई-बेहतरी दे रस्ते बी खोलगा। श्री चौहान होरें आखेआ जे प्रधानमंत्री नरेंद्र मोदीद हुंदी दूरै दी सोच आहली अगुवाई च जम्मू-कश्मीर दे उज्जवल भविक्ख ते खुशहाली दा लैते गेदा संकल्प लगातार निग्गर होआ करदा ऐ।

एहदे अलावा महिलाएं गी बाख्तिवार ते आत्मनिर्भरता गी बढावा देने लेई राश्ट्री ग्रामीण आजीविका मिशन तैहत 24 राज्यें ते केंद्र शासत प्रदेशें गी 4,568 करोड रपे जारी कीते गे।

<><><><><><>

## LG-SKUAST

उपराज्यपाल मनोज सिन्हा होरें अज्ज शेरे कश्मीर कृषि विभाग ते टेकनालजी यूनिवर्सिटी स्कास्ट च सतत ते लचीले जलवायु सरबंधी ढांचे पर लगगे दे राश्ट्री सतह दे इक शिखर सम्मेलन च हिस्सा लैता। काजकुरम च मौजूद लोके गी संबोधित करदे होई एल.जी होरें जलवायु च आए दे बदलाव करी राईबाई ते एहदे कन्नै जुडे दे होर दुए सीगें सामने आवा'रदियें चुनौतिएं कन्नै निब्बडने लेई नीति उपाएं पर जोर पाया। श्री सिन्हा होरें करसानें दी रोजी-रूट्टी दी सुरक्षा लेई नमियां काहडां लचीलापन ते अनुकूल नीतियें दे तरीके दी लोड पर बल पाया। सम्मेलन च सतत राईबाई दे तरीके गी मजबूत करने ते इलाके च लम्में चिरें तगर खाद्य सुरक्षा ते जलवायु सरबंधी स्थिरता गी यकीनी बनाने लेई असरदार नीतियां बनाने पर टकोहदा ध्यान दित्ता गेआ।

<><><><><><>

## Train Ser . Prep.

जम्मू ते श्रीनगर बश्कार सिद्दी वंदे भारत एक्सप्रेस सर्विस रम्भ करने दियां तैयारियां जोरें-शोरें कन्नै जारी ना। एह सेवा 30 अप्रैल थमां रम्भ होने आहली ऐ। एह प्रस्तावित सेवा कटरा ते श्रीनगर बश्कार चला'रदी मौजूदा वंदे भारत एक्सप्रेस दा विस्तार होगा। सीनियर डिविजनल कमर्शियल मैनेजर उचित सिंघल हुंदे मताबक बर्फ ते ठंडे

मौसम गी झेलने आहली डजैन कीते गेदी इस रेल च 20 कोच होडन ते एहू तकरीबन 1400 यात्रुएं गी लेई जाई सकोग। इस रेल गड्डी दे रम्भ होने कन्नै इलाके च सैलसफे गी बढावा थ्होने दी मेद ऐ।

<><><><><><>

### Officers Vibrant Village

I.A.S ते J.K.A.S सतह दे अफसरें सने 70 वरिष्ठ अधिकारियें दी वाइब्रेंट विलेज प्रोग्राम-दो गी बेहतर तरीके कन्नै लागू करने दी दिक्ख-रिक्ख आस्तै टकोहदे तौरा पर सरहदी ग्रंऽ दित्ते गे न। सरकारै एहू प्रोग्राम अंतरराश्ट्री सरहद ते कब्जा रेखा पर ग्राएं-मोहडें दा पूरी चाल्ली टिकाऊ विकास यकीनी बनाने आस्तै रम्भ कीते गेदा ऐ। आकाशवाणी दे जम्मू संवाददाता नै खबर दित्ती ऐ जे अफसर अलाट कीते दगेदे वाइब्रेंट विलेज दा दौरा लाइए चला'रदियें सकीमें दी लागू होने दी स्थिति, लोकें दित्ती जा'रदियां सेवां ते मौजूद ढांचे दी समीक्षा करडन। ओहू सेहत ते शिक्षा जनेय जरूरी मैहकमें च कमियें दी पंछान करडन ते 30 जून 2026 तगर योजना, विकास ते निगरानी सरबंधी मैहकमें गी विस्तार रिपोर्ट जमा करोआडन।

<><><><><><>

### Mehraj-Released

आम आदमी पार्टी दे M.L.A मेहराज मलिक गी अज्ज कठुआ जेल थमां रिहा करी दित्ता गेआ। जम्मू-कश्मीर ते लद्दाख हाई कोर्ट नै पब्लिक सेफ्टी एक्ट तैहत उंदी हिरासत गी रद्द करी दित्ता ऐ। जस्टिस मोहम्मद युसुफ वानी होरें पिछले साल सितंबर थमां जारी हिरासत दे आदेश गी कनूनी तौरा पर टिकने लायक नेई दस्सदे होई रद्द करी दित्ता। जेल थमां रिहा होने मगरा एमएलए मेहराज मलिक होरें आखेआ जे लोकें लेई लडदे रौहडन। उन्दे सोआगत आस्तै लेई जेल दे बाहर उंदे नेकां समर्थक मौजूद हे। ध्यानजोग ऐ जे मेहराज होरें गी कथित तौरा पर जन बवस्था बगाडने दे आरोप च हिरासतै च लैता गेआ हा ते ओहू पिछले बरे थमां कठुआ जेल च हे।

<><><><><><>

## Doda-Poster

डोडा शहर थमां तकरीबन 5 किलोमीटर दूर नेपली कश शड़का कंडे इक्क ऐतराजजोग चमके दा पोस्टर थहोने मगरा डोडा च तनोतनी आहले हालात बनी गो। साढे जिला संवाददाता फियाज पाम्पोरी नै दस्सेआ जे पोस्टर जेडा कथित तौरा पर जम्मू-कश्मीर यूथ मेवमेंट कन्नै जुडे दा ऐ, ओहदे पर कश्मीर च अलगाववाद दे हक्कै च नारे लखोए दे हे, जिस करियै मकामी लोकें च चैंता फैली गई ऐ। अधिकारियें इस सामग्री गी फलानेलेई जिम्मेदार लोकें दी पंछान करनेलेई जांच रम्भ करी दित्ती ऐ ते भरोसा दोआया ऐ जे इलाके च अमन-रमानदारी ते आपसी भाईचारा बगाड़ने दी कोश्ट करने आहलें खलाफ सख्त कार्रवाई कीती

<><><><><><>

## **Nasha Mukht –Rbn.**

रामबन जिले च नशीलें पदार्थें दी रोकथाम सरबंधी मैहकमे आसेआ जागरुकता फैलाने ते इस समस्या पर रोक लाने दे मकसद कन्नै 100 दिनें दा “नशा मुक्त” अभियान बड़ी सक्रियता कन्नै लागू कीता जा'रदा ऐ। एहदे लेई स्कूलें च पदयात्रा- नशें दी लड़ाई खलाफ प्रण पाने ते शैक्षणिक गतिविधियें सनें सख्त प्रवर्तन अभियान शुरु कीते गे ना। इनें अभियानें राहें- विद्यार्थियें गी नशीले पदार्थें दी लत दे खतरे बारे शिक्षित करने लेई उन्दे कन्नै गल्लबात पर मता ध्यान केन्द्रित कीता गेआ ऐ।

<><><><><><>

## **Prog. Announcement**

आकाशवाणी जम्मू दे प्रादेशिक समाचर एकांश आसेया प्रधानमंत्री सूर्यघर मुफ्त बिजली योजना सरबंधै च- कल बुधवारें 30एं मिन्टें दा इक विशेष कार्यक्रम प्रसारित कीता जाहग- जेदा विषे होग- “सूरज दी तपश गी बचत च बदलो-घरें-घरें तोड़ी स्वच्छ ऊर्जा पुजनी लोड़चदी”. 29 अप्रैल गी दपैहरी साड्डे 12 बजे प्रसारित होने आहले इस कार्यक्रम च स्हाडे परोहने होगन- Jammu Power Distribution Corporation Ltd दे Executive

Engineer संजीव रोहमेत्रा- जेहडे इस विशे पर अपने माहिराना विचार सांझे करगंन। इस कार्यक्रम दी मेजबानी साहडे न्यूज एंकर विजय बजाज आसेया कीती जाग।



## Weather

जम्मू खित्ते दे मैदानी इलाकें च पिछले किश दिनें थमां बड़ी मती गर्मी पवा'रदी ही ते तापमान बी 40 डिग्री तगर पुज्जी गेदा हा, पर अज्ज बडुलै बदलौखडे मौसम ते हल्की फोहार नै लोकें गी तेज गर्मी थमां थोड़ी राहत पजाई। मौसम विभाग नै अज्ज ते कल किश इलाकें च हल्की बरखा, बिजली चमकने ते अंधी चलने दी पेशगोई कीती ऐ। 30 अप्रैल ते 2 मई दे बश्कार मौसम आमतौरा पर खुशक गै रौहग। एहदे मगरा 3 मई शा 5 मई तगर खित्ते दे मते सारे इलाकें च हल्की बरखा पौने दी पेशगोई कीती गई ऐ।

